



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ԳԼԽԱՎՈՐ ՔԱՐՏՈՒՂԱՐ

ՀՀ, ԵՐԵՎԱՆ, ՄՅԱՍՆԻԿՅԱՆ 5/1, ՀԵՌ. (374-15) 52-85-11

« 25 » փետրվարի 2026 թ.

№ ԱՍ/34.2-Ղ4-2/1093-2026

**«ԱՏԼԵՏԻՔՍ» ՍՊԸ-ի տնօրեն
Արթուր Սափույանին**

Հարգելի պարոն Սափույան,

Ձեզ է ուղարկվում ՀՀ հանրային ծառայությունները կարգավորող հանձնաժողովի 2026 թվականի փետրվարի 25-ի «ԱՏԼԵՏԻՔՍ» սահմանափակ պատասխանատվությամբ ընկերության կողմից առանց թույլտվության ռադիոհաճախականությունների տիրույթների օգտագործումը դադարեցնելու մասին» №41-Ա որոշման պատճենը:

Միաժամանակ հայտնում եմ, որ նշված որոշման պահանջները չկատարելու և առանց թույլտվության ռադիոհաճախականության օգտագործումը շարունակելու դեպքում, «Էլեկտրոնային հաղորդակցության մասին» օրենքի 63-րդ հոդվածի համաձայն, հանձնաժողովն իրավասու է կիրառել համապատասխան տույժ կամ տուգանք՝ մեկ միլիոն դրամից երկու միլիոն դրամի չափով:

Առդիր՝ 2 էջ:

25.02.2026

X

ԱՐԹՈՒՐ ՍԱՖԱՐՅԱՆ

Ա. Սափարյան



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
Ո Ր Ո Շ ՈՒ Մ**

25 փետրվարի 2026 թվականի №41-Ա

**«ԱՏԼԵՏԻՔՍ» ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ԿՈՂՄԻՑ ԱՌԱՆՑ ԹՈՒՅԼՏՎՈՒԹՅԱՆ ՌԱԴԻՈՀԱՃԱՆԱԿԱՆՈՒԹՅՈՒՆՆԵՐԻ
ՏԻՐՈՒՅԹԻ ՕԳՏԱԳՈՐԾՈՒՄԸ ԴԱԴԱՐԵՑՆԵԼՈՒ ՄԱՍԻՆ**

Հաշվի առնելով՝

ա) Հայաստանի Հանրապետության բարձր տեխնոլոգիական արդյունաբերության նախարարության 2025 թվականի դեկտեմբերի 15-ի №01/11.1/10383-2025 գրությամբ ներկայացված տեղեկատվությունն առ այն, որ էլեկտրամագնիսական իրավիճակների հետազոտումների արդյունքում Երևան քաղաքի Ֆուչիկի փողոցի 1/1 հասցեում գործող՝ «ATLETX GYM» սպորտային դահլիճում, որտեղ գործունեություն է իրականացնում «ԱՏԼԵՏԻՔՍ» սահմանափակ պատասխանատվությամբ ընկերությունը (այսուհետ՝ Ընկերություն), հայտնաբերվել է առանց թույլտվության 1710-1735ՄՀց ռադիոհաճախականությունների տիրույթում շահագործվող բջջային կապի վերահաղորդակ,

բ) առանց թույլտվության ռադիոհաճախականությունների տիրույթի օգտագործումը դադարեցնելու վերաբերյալ Ընկերությանն ուղղված Հայաստանի Հանրապետության հանրային ծառայությունները կարգավորող հանձնաժողովի 2025 թվականի դեկտեմբերի 18-ի №ՍՇ/34.2-Մ2-9/6924-2025 գրությունը, որի վերաբերյալ որևէ փաստարկ չի ներկայացվել,

գ) որ իրավասու պետական մարմնի ներկայացրած տեղեկատվությամբ փաստվել է Ընկերության կողմից առանց թույլտվության 1710-1735ՄՀց ռադիոհաճախականությունների տիրույթի օգտագործումը, և

հիմք ընդունելով «Էլեկտրոնային հաղորդակցության մասին» օրենքի 5-րդ հոդվածի 1-ին մասի 2-րդ կետի «ժդ» ենթակետը, 3-րդ կետի «ե» ենթակետը, 60-րդ հոդվածը և «Հանրային ծառայությունները կարգավորող մարմնի մասին» օրենքի 19-րդ հոդվածի

2-րդ մասը՝ Հայաստանի Հանրապետության հանրային ծառայությունները կարգավորող հանձնաժողովը որոշում է.

1. Ընկերությանը՝ սույն որոշումն ուժի մեջ մտնելու պահից դադարեցնել առանց թույլտվության 1710-1735ՄՀց ռադիոհաճախականությունների տիրույթի օգտագործումը:
2. Սույն որոշումն ուժի մեջ մտնելու պահից երեսնօրյա ժամկետում կարող է բողոքարկվել Հայաստանի Հանրապետության հանրային ծառայությունները կարգավորող հանձնաժողով կամ երկամսյա ժամկետում՝ Հայաստանի Հանրապետության վարչական դատարան, և դրա բողոքարկումը չի կասեցնում որոշման գործողությունը կամ կատարումը:
3. Սույն որոշումն ուժի մեջ է մտնում Ընկերությանն օրենքով սահմանված կարգով իրազեկելու օրվան հաջորդող օրվանից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱԿ՝**

ք. Երևան
25 փետրվարի 2026 թ.



Մ. ԱՄԻՐՈՂՅԱՆ

Տրված նշանակման ծագումնաբերություն /
Designated operator of origin

ԾԱՆՈՒՑԱԳԻՐ ստացման/հանձնման/վճարման/գրանցման
ADVICE of receipt/of delivery/of payment/of entry

CN 07

Առաքանու հասցեատերի / Addressee of the item «ԱՏԼԵՏԻՋԻՄ» ՍՊԸ ԵՐԵՎԱՆ ԵՐԵՎԱՆ Ֆուչիկի 1/1, «ATLETX GYM»

A.R.

Ծառայողական /
On postal service
Ծանուցագիրը վերադարձնող
գրասենյակի կնիքը /
On postal service

Առաքանու բնույթը / Nature of the item

Առաջնային նամակ / Priority letter
 Գրատարակչություն / Printed paper
 Ծանրոց / Parcel

Առաջնային / Priority
Օդային / By airmail

Ոչ առաջնային նամակ / Non-Priority letter

Վերադարձնել /
Return to

Պատվիրված / Registered
 Վկայագրված հանձնում / Recorded delivery
 Գնահատված / Insured
Առաքանու թիվը /
No of item LO132138889AM

Զատարակ դրամական փոխադրություն /
Ordinary money order

Փոխանցման անդորրագիր /
Inpayment money order
 Վճարման անդորրագիր /
Outpayment cheque

Լրացվում է նշանակման վայրում / To be completed at the point of destination

Վերոնշյալ առաքանին պատշաճ կերպով / The item mentioned above has been duly

հանձնվել է / delivered
 վճարվել է / paid
 գրանցվել է ընթացիկ փոստային հաշվին / credited to giro account

Ամսաթիվ և ստորագրություն / Date and signature

Այս ծանուցագիրը կարող է ստորագրվել հասցեատիրոջ, կամ եթե նշանակման երկրի կանոնակարգը նախատեսում է սրբ, այլ լիազորված անձի կողմից / The advice may be signed by the addressee or, if the regulations of the country of destination, so provide by another authorized person.

Հավելյալ Նշում 1՝ ԱՍ/34.2-Դ4-2/1093-2026պ/տ

Հավելյալ Նշում 2՝

Լրացվում է ուղարկողի կողմից / To be filled in by the receiver

Անուն կամ գրասենյակի անվանում / Name	ՀՀ հանրային ծառայությունները կարգավորող հանձնաժողով
Փողոց և թիվ / Street and No	ՄՅԱՄՆԻԿՅԱՆ Դ. 5/1
Բնակավայր և երկիր / Locality and country	Հայաստան ԵՐԵՎԱՆ ԵՐԵՎԱՆ



AL0132138889AM

2187



